

## فلاجران 4

### توهن بري جاديکن مائسي

دفلاجران تيک کيت بوليه تاهو چارا حال توهن جاديکن لاغيث دان بومي سکالي دغن سموا مخلوق ۲ دالم ماس انم هاري. فد هاري يځ کائم ايت، بيلا سموا فرکارا هق لائين سيف بلاک ده، باروله توهن بري جاديکن مائسي. فد هاري يځ کتوجوه، توهن برهنتي درفد کرج ايت.

#### توجوان فلاجران اين

1. کيت نق بوليه تاهو کهور ۲ چرف لاکي چارا حال توهن بري جاديکن مائسي.
2. کيت نق بوليه تاهو چارا حال فريغتک مليا هق توهن چادغ ده انتوق مائسي.

\*\*\*\*\*

## توهن چادغ نق بري فريثکت مليا کا ما'نسي

\*\*\*\*\*

1. بچاله تورات، سورت کجاديکن 1:24-28 دباوه اين.

24-25 (فد هاري يغ کائيم) توهن کات: بري تيمبولله  
اتس بومي سموا بناتغ هق دوق ددارت، بسر اتوا  
کچيک فون، ايکوت بفسا ۲ دي. فس جاديله بالس  
ايت. <sup>25</sup> توهن بري جاديکن بناتغ ۲ ايت، دان دي  
نمفق سموا ايت کات موليق ده.

26-27 لفس فد ايت توهن کات: گيت نق جاديکن  
ما'نسي ايکوت چونتوه کيت، نق بري دي جادي  
سروف کيت. دي فون نق جادي توان اتس ايکن ۲  
دالم لاءوت، اتس بوروغ ۲ داودارا، دان اتس سموا  
بناتغ ۲ هق دوق اتس بومي، بسر اتوا کچيک فون.  
<sup>27</sup> بالس توله توهن بري جاديکن ما'نسي ايکوت  
چونتوه توهن سنديري، دي بري جاديکن جنتن بتينا.

28 دان توهن اوچف سلامت اتس ما'نسي ايت کات  
کا دي: مو کيله برانق جادي کهور ۲ رامي هيغک بري  
فنوه اتس بومي. مو کنا امبيق فرينتهله اتس بومي  
اين. مو کنا دوق فرينته اتس سموا ايکن دالم  
لاءوت، اتس سموا بوروغ داودارا، دان اتس سموا  
بناتغ هق مان اد اتس بومي.

\*\*\*\*\*

## توهن جاديکن مائسي دغن دبو تانه

\*\*\*\*\*

2. هوبوڭ باچ دالم تورات، سورت کجادين باب 2:7، دغن باب 2:18-25 دباوه اين.

7 توهن، هق جادي ربّي اتس سمو، بري جاديکن مائسي بوات دغن دبو تانه، دان همبوس نفس کو هيدوڭ بري دي هيدوف. بالس توله مائسي بوليه پاوا جادي اورڭ يڭ هيدوف.

.....

18-20 لفس ايت توهن، ربّي اتس سمو ايت، کات فول: تائمولىق مائسي کنا دوق سئورڭ. اکو نق بوات بري کا دي فنولوڭ هق سوڭ فاتوت دغن دي. 19 دان توهن باوا ماري کا مائسي سمو بناتڭ هق مان اد، هق دي بري جاديکن دغن دبو تانه، نق بري مائسي سنديري لتق نام اتس بناتڭ 2 ايت. دان نام مان 2 هق مائسي لتق، هق تو نام دي. 20 مائسي فون لتق نام کا سمو بناتڭ ايت، تافي تائبرتمو لاكي فنولوڭ هق سوڭ فاتوت دغن دي.

21-23 سايت ايت، توهن، ربّي اتس سمو، بري مائسي تيدور جندرا راليف. تکه دي دوق جندرا ايت، توهن امبيق تولڭ روسوق سفونتوڭ، فس کاتوف

بري سروف سديا. <sup>22</sup> دي فون امبيق تولغ ايت  
بوات بري جادي اورغ بتينا، بري کا اورغ جنتن  
ايت. <sup>23</sup> اورغ جنتن فون کات:

ها، تمو ده دي، تولغ درفد تولغ کو،  
داکيغ درفد داکيغ کو.

نق فغکيل دي «ايشهه»، يائيت اورغ بتينا،  
کران دي ماري درفد «ايش»، يائيت اورغ جنتن.

24 دغن سابيت نيله اورغ هق جادي لاکي کنا تيغکل  
ايبو باف دي کي دوق سکلامين دغن بيني دي، دان  
دوا اورغ ايت نق جادي سا.

25 فد ماس ايت، اورغ جنتن دغن بيني دي دوق  
تلنجغ، تافي تااد فراسان مالو.

\*\*\*\*\*

### چارا حال توهن بري جاديکن مائسي

\*\*\*\*\*

3. بچاله سمولا سموا ايات ۲ کتاب دموک 24 - 26، باروله  
بوليه تمبه فرکتان هق کنا دتمفت کوسوغ دباوه اين.

1. فد هاري يغ کائم توهن جاديکن بناتغ ۲ هق دوق ددارت.  
هق سود سکالي، دي بري جاديکن مائسي (کجادين 27:1،  
موک 24)

2. توهن بري جاديکن مائسي بوات دغن دبو تايي. (کجادين 7:2، موک 25)
3. توهن همبوس نفس کو هيدوغ مائسي ايت بري دي هيي. (کجادين 7:2، موک 25)
4. توهن نمفق کات تاملوق مائسي کنا دوق سون. دي فون کات، نق بوات بري کا مائسي ايت سورغ فو. هق سورغ دغن دي. (کجادين 18:2، موک 25)
5. توهن امبيق تول. ر. س. سفونتوغ هق مائسي ايت، بوات بري جادي ا. ب. ب. (کجادين 21:2-22، موک 25، 26)
6. فد مولا ۲۰ اورغ جتنن دغن بي. دي دوق تلي. تافي تاءاد فراسان مالو. (کجادين 25:2، موک 26)

\*\*\*\*\*

توهن بري جاديکن مائسي ايکوت چونتوه دي  
اف مقصودن؟

\*\*\*\*\*

4. بچاله سمولا کجادين 1:26-27 دموک 24، لفس ايت چوب فيکيرله!

\* توهن سنديريله هق چادغ کات نق بري جاديکن مائسي ايکوت چونتوه دير دي. اف مقصودن، «ايکوت چونتوه توهن»، اتوا «سروف توهن»؟

\* معلومه توهن تاءاد روف. توهن تاءاد توبوه بدن سروف مائسي. توهن فون لبيه دان برلائينن درفد مخلوق ۲ سموان.

توهن دغن مائسي ذات لائين. ذات توهن دغن ذات  
مائسي نق جادي سروف، تائليه. توهن برصيفة دغن سموا  
صيفة هق سمفرن. تنتوله صيفة مائسي کيت تاسمفرن  
سروف توهن.

\* تافي، مائسي لبيه مليا فد بناتغ<sup>۲</sup>، بوکن؟ مائسي بوليه  
فيکير، دي برعقل، دي سدر کا ديري دي. مائسي فون  
بوليه فيليه، دي بييس، دي تاترفقسا کنا تورتو فرينته  
توهن. مائسي بوليه کنل، بوليه کاسيه دغن توهن. صيفة<sup>۲</sup>  
مائسي سائي فون، سروف سيکيت دغن صيفة<sup>۲</sup> هق توهن،  
ولو فون کورغ سوغکوه درفد صيفة<sup>۲</sup> يغ مهامليا هق توهن.  
بالس توله مقصود فرکتان توهن: «کيت نق جاديکن  
مائسي ايکوت چونتوه کيت، نق بري دي جادي سروف  
کيت.»

\*\*\*\*\*

سبب اف توهن بري جاديکن مائسي ايکوت چونتوه دي؟

1. سبب توهن چادغ نق بري مائسي  
بوليه تريما فريغت مليا دنيا

\*\*\*\*\*

5. بچاله سمولا کجادين 1:26-28 دموک 24، باروله بوليه  
تمبه فرکتان هق کنا دتمفت کوسوغ دباوه اين.

1. توهن کات: کيت نق جاديکن مائسي ايکوت چونتوه دي  
کي... سنديري. (کجادين 1:26، موک 24)

2. توهن کات: کیت نق بري مائسي جادي سر وځي... کیت.  
(کجادين 26:1، موک 24)

3. توهن بري جاديکن مائسي ايکوت چونتوه توهن سنديري.  
دي بري جادي جيتن... بتي... (کجادين 27:1، موک 24)

4. توهن اوچف سلاي... اتس مائسي ايت، جتن بتي. (کجادين 28:1، موک 24)

5. توهن سوروه کا مائسي، (جتن، بتي) کات: مو کنا امبيق  
فرينتهله اتس بومي. (کجادين 28:1، موک 24)

\*\*\*\*\*

سبب اف توهن بري جاديکن مائسي ايکوت چونتوه دي؟

2. سبب توهن برکهندق نق بري مائسي  
بوليه ماسوق مهادف توهن دغن سوک کمبيرا

\*\*\*\*\*

6. چوب فيکير بري موليق چارا حال فريثکت مليا هق توهن  
چادغ ده انتوق کيت سنديري.

\* فريثکت مليا هق توهن چادغ نق بري کا مائسي ايت،  
بوکن ساج سکت مائسي بوليه امبيق فرينته اتس مخلوق ۲  
لائين دالم دنيا، دق. فريثکت مليا ايت لبه فد فيکران  
مائسي کيت لاني هق چمر کرن دوسا. تافي، مولا ۲  
سکالي، توهن بري جاديکن مائسي دغن چادغن نق بري  
مائسي بوليه دوق دافن توهن، دان بوليه برهوبوغ دغن  
توهن سعمور ۲ دغن سوک کمبيرا.

\* توهن هق يځ مهاکاسيه. دي فون کاسيه کا مائسي دغن کاسيه هق تافوتوس سعمور۲. سايت توله توهن برکهندق بري مائسي بوليه ماسوق مځهادف دي، کنل دغن دي، دان کاسيه کا دي دغن سفنوه ۲ هاتي. سسوغکوھن، اينيله فرينته توهن هق بسر سکالي.

\* تافي، فد ماس لانې، کيت نمفق کات کباپقکن مائسي تافکنل دغن توهن، تافکاسيه کا دي، دان مالس نق ماسوق مځهادف برهوبوغ دغن دي.

\* تنتوله اد جوک اورغ۲ هق کاچغ چاري جالن نق کنل دغن توهن دان کاسيه کا دي. اورغ۲ ايت دوق کاچغ نق بري بوليه سمفي کا فريغت مليا هق توهن چادغ ده انتوق مائسي. تافي کباپقکن، اورغ۲ ايت براس سروف اد کالغن هق سکت جالن، تافري بوليه کنل دغن توهن سچارا رافت. انتوق اورغ سروف ايت، اد خبر بايک دفلاجران۲ دافن، سبب توهن سيف ده جالن انتوق اورغ۲ سروف ايت. کالو نق برتمو جالن سلامت ايت، مځاجي هوبوغله دفلاجران دافن!

7. بچاله ايات۲ دباوه اين. کالو نمفق کات کنا، بوبوهله تندا ☒. کالو تافکنا بوبوه تندا ☐.

1. ☒ توهن بري جاديکن مائسي ايکوت چونتوه توهن، سروف دغن توهن سنديري. (کجاين 1:26، موک 24)

2. ☐ توهن سوروه کا اورغ جتنن ساج، کات: مو امبيق فرينتهله اتس بومي. (کجاين 1:28، موک 24)



3. ☒ توهن برکهندق نق بري کيت ماسوق مښادف دي دغن سوک کمبيرا.

4. ☒ ولو فون توهن سوروه کيت کاسيه کا دي، تافي توهن تا کاسيه کا کيت.

5. ☒ توهن هق يځ مهاکاسيه. دي کاسيه کا کيت دغن کاسيه هق تا فوتوس.

\*\*\*\*\*

### فرکارا ۲۱ هق بوليه تاهو دفلاجران اين

\*\*\*\*\*

7. چوب رویتله سنديري دولو اف هق بوليه تاهو ده دفلاجران اين، باروله بنديځ دغن فرکارا ۲۱ هق رویت سچارا ريفکس دباوه اين.

1. توهن بري جاديکن مائسي دغن دبو تانه.

2. توهن فون بري جاديکن مائسي ايکوت چونتوه دي.

3. توهن هق يځ مهاکاسيه. دي فون کاسيه کا مائسي دغن کاسيه هق تا فوتوس.

4. توهن چادغ ده فريځکت مليا انتوق مائسي.

5. توهن برکهندق نق بري مائسي بوليه کنل دغن دي دان ماسوق مښادف دي دغن سوک کمبيرا.

8. کاچغ بري ايغت فرکارا ۲۱ داتس سائي سهيگن لکت دهاتي.

9. چوب رويته اف هق توهن برکرق هاتي کيت، سوروه  
بوات، اتوا نق بري ايغت.

## فلاجران 5

### مائسي دڳون عدان

مائسي هق مولا ۲ سکالي ايت، نام دي توءِ ادم دان سיתי حوا. دي بوليه دوق دغن سنغ ليندغ دالم ڪيون هق موليٰق سوڱڪوه ۲. دسيتو توهن بري سيف ده ڪنف ۲ فرڪارا هق بوليه بري مائسي سوڪ هاتي. سسوڱڪوهن، توهن دوق چادغ نق بري مائسي بوليه دوق دافن توهن سعمور ۲ دغن سوڪ ڪمبيرا، تافي، اد جوڪ، فرڪارا هق بوليه جادي بهيا ڪا مائسي. توهن فون بري امران ڪا توءِ ادم دغن سיתי حوا، نق بري دي بوليه جاڪ ديرِي بري سلامت، سبب، ڪالو مائسي جاتوه دالم بهيا ايت، تنتوله تاسمفرن چادغن توهن انتوق مائسي.

### توجوان فلاجران اين

ڪيت نق بوليه تاهو چارا حال:

1. ڪاڏاڻ توءِ ادم دغن سיתי حوا دالم ڪيون عدان.
2. فوهون ۲ ڪايو دالم ڪيون ايت.
3. توجوان توهن نق بري مائسي تريما هيڊوف سمفرن هق سوڱ دغن شرڪ.
4. فرڪارا هق بهيا سڪالي ڪا مائسي ايت.

\*\*\*\*\*

# توؤ ادم دغن سיתי حوا دوق دالم كبون عدان دغن سنغ ليندغ

\*\*\*\*\*

1. بچاله تورات، سورت كجادين 2:8-17 دباوه اين.

8-9 توهن، رتي اتس سموا ايت، بري اد ساتو كبون  
دعدان سبله تنائيك. دسيتوله دي لتق مائسي هق دي  
بري جادي ايت. <sup>9</sup> فس توهن بري تومبوه فوهون  
كاو كنفا ۲ بغسا هق نمفق كات موليق، سدق نق  
ماكن. اد ساتو فوهون هق بوليه بري اورغ هيدوف  
سعمور، دوق دتغه ۲ كبون ايت. دان اد سفوهون  
لاكي هق بري بوليه تاهو بائيك دغن جاهت.

10-14 اد ساتو سوغي جوكد هق توبيت ماري دعدان نق  
بري تانه كبون ايت سجوق. سوغي ايت كي مچه  
جادي امفت چابغ سوغي. <sup>11</sup> هق ساتو چابغ نام  
سوغي فيشون. سوغي اين كليليغ كوؤ نكري حاويله،  
تمفت اد بيجه امس. <sup>12</sup> امس دسيتو فون هق موليق  
سكالي. فس اد جوكد ميپق واغي دغن فرمات ۲ هق  
مهل، ماري دنكري ايت. <sup>13</sup> چابغ يغ كدوا، سوغي  
جيھون. سوغي اين هق كليليغ كوؤ نكري كوش.  
<sup>14</sup> نام چابغ يغ كتيك سوغي تيكريس، هق مغالير كوؤ  
تهاري نائيك دغن نكري اشور. چابغ هق كائمفت، نام  
سوغي فرات.

15-17 توهن، ربي اتس سمو ايت، امبيق مائسي  
 بوبوه دي دالم كبون عدان ايت، نق بري كرج بلا  
 جاك كبون ايت. <sup>16</sup> فس دي سوروه مائسي کات:  
 مو بوليه ماکن بلاکاله بواه کايو سمو دالم کبون اين،  
 ايکوت سوک مو، <sup>17</sup> تافي سفوهون مو جاغن ماکن،  
 فوهون هق بوليه بري تاهو بايک دغن جاهت، کران  
 کالو مو ماکن هق ايت، تنتو مو نق ماتي.

\* کيت نمفق ده کات، توجوان توهن نق بري مائسي جادي توان  
 اتس سمو مخلوق ۲ لائين، دان کرج هق توهن سوروه دي بوات  
 جاک بلا سمو دکبون عدان ايت تأسوسه فايه. تو ادم دغن سي تي  
 حوا فون بوليه دوق دغن سنغ ليندغ سبب، فد ماس ايت، سمو  
 فرکارا هق توهن بري جاديکن دوق موليق بلاک لاکي، تأسروف  
 دغن ماس لاني.

\*\*\*\*\*


### کبون عدان ايت دوق دمان؟

\*\*\*\*\*

2. بچاله سمولا کجادي 2:10-14 دموک 34. فرها تيله تيک  
 نام دايات 14، يائيت «سوغي تيکيرس»، «نکري اشور»،  
 دان «سوغي فرات». چاريله تيک نام ايت دفتا دموک 36.


\* سوغکوه فون کيت تاهو دغن هالوسي کبون عدان دوق  
 دمان، تافي ايات ۲ داتس ايت بري تاهو لبیه کورغ تمفت کلیواسن  
 دي. هق چرف، کبون عدان ايت برتمفت دبومي اين، دان دوق  
 لبیه کورغ دکلیواسن ووغ بولت دفتا دموک 36.

## فتا دنيا



نكري تهائي      فتا دباوه اين      دكبون عدان

دكبون عدان دوق دكليواسن نكري ۲ فتا دباوه اين



نكري اشور      كوت يروسليم      نكري مصير

\*\*\*\*\*

## فوهون ۲ کايو دالم کبون عدان

\*\*\*\*\*

3. بچاله کجادين 9:2 دموک 34، باروله بوليه تمبه فرکتان  
هق کنا دتمفت کوسوځ دباوه اين.

1. توهن بري تومبوه دکبون عدان فوهون کايو کنف ۲ بښا  
هق نمفق کات مو...کنا...، فس سدر... نق ما...کنا.....
2. اد ساتو فوهون هق بوليه بري اورځ هيدو... سمور،  
دوق دتغه ۲ کبون ايت.
3. اد سفوهون لاکي هق بري بوليه تاهو بلا...کنا... دغن  
جا...کنا.....

\*\*\*\*\*

توهن بنر بري ماکن بواه کايو سموا دکبون ايت  
ملينکن بواه دفوهون هق بري تاهو بائیک دغن جاهت

\*\*\*\*\*

4. بچاله سمولا کجادين 16:2، 17 دموک 35. لفس ايت  
بوبوه تندا ☒ دکفلا ايات ۲ هق کنا دباوه اين. کالو  
تاکنا بوبوه تندا ☐.

1. ☒ توهن بنر بري مائي سي ماکن بواه کايو درفد فوهون هق  
بوليه بري اورځ هيدوف سمور.

2. ☒ توهن بنر بري مائي سي ماکن بواه کايو درفد فوهون هق  
بري بوليه تاهو بائیک دغن جاهت.

3. ☒ توهن بنر بري مائي سي ماکن بواه کايو درفد سموا  
فوهون دکبون ايت.

\*\*\*\*\*

## چارا حال فوهون هق بري اورغ هيدوف سعمور

\*\*\*\*\*

5. بچاله سمولا كجادين 9:2 دغن 17،16:2 دموك 34، 35،  
باروله تمبه فركتان هق كنا دتمفت كوسوغ دباوه اين.

1. فوهون هق بوليه بري اورغ هيدوف سعمور ايت دوق  
دتهك... ۲ كبون. (كجادين 9:2، موك 34)

2. توهن بنر بري ما... كيبا.. بواه كايو دفوهون هق بري اورغ  
هيدوف سعمور. (كجادين 17،16:2، موك 35)

3. كيت تاهو كات، توهن بنر بري مائنسي ماكن بواه كايو  
ايت، سبب توهن بنر بري ماكن سموا بواه كايو دالم  
كبون، ملينكن بواه دفوهون هق بري تاهو... بايك دغن  
جاهت. (كجادين 17،16:2، موك 35)

\* سبب توله كيت فهم جوک کات، توهن دوق چادغ نق بري  
مائنسي ماكن بواه كايو دفوهون هق بري هيدوف سعمور  
ايت. توجوان توهن، نق بري مائنسي هيدوف سعمور ۲.

\*\*\*\*\*

## توجوان توهن، نق بري مائنسي بوليه تريما هيدوف سمفرن هق سوغ دغن شرک.

\*\*\*\*\*

\* توهن، ديهاله هق يغ هيدوف بوات سلام ۲.

\* توهن سجاله هق اد کواس بوليه بري هيدوف، اتوا بري ماتي.

\* توهن بري جاديکن مائنسي، دان ديهاله هق بري مائنسي هيدوف.

تافي تکه ايت، مائنسي تريما هيدوف هق سوغ دغن دنيا ساج.



\* تافي، توهن اد چادغن نق بري مائسي بوليه تريما هيدوف هق  
سوځ دغن شرک جوک. سبب توله، توهن برکهندق نق بري  
 مائسي ماکن بواه کايو درفد فوهون هق بوليه بري هيدوف  
 سعمور. کو جالن توله مائسي بوليه تريما هيدوف چارا بارو  
 هق سمفرن، هق سوځ دغن مائسي بوليه دوق دافن توهن  
دشرک دغن سوک کمبيرا بوات سلام ۲.

\*\*\*\*\*

چارا حال فوهون هق بري تاهو بائیک دغن جاهت

\*\*\*\*\*

6. بچاله سمولا کجادين 17:2 دموک 35، باروله بوليه تمبه  
 فرکتان هق کنا دتمفت کوسوځ دباوه اين.

1. توهن کاسيه کا مائسي، دان اوچف سلا. سبب. اتس دي ده.  
 (کجادين 28:1، فلاجران 4، موک 24)

2. دالم کتاب بري تاهو ده کات، سموا فرکارا هق توهن بري  
 جاديکن دالم دنيا ايت مه... بلاق. (کجادين 24:1-31،  
 فلاجران 3، موک 18)

3. معنات، سموا فوهون ۲ کايو دالم کبون عدان ايت فون  
 مه... بلاق، ترماسوق جوک فوهون هق بري تاهو  
بائیک دغن جاهت. فوهون هق تاملوليق تاد. بواه کايو  
 درفد سموا فوهون ايت فون موليق بلاق.

\* تافي توهن بري امران کا مائسي کات، جاغن ماکن بواه کايو  
 دفوهون هق بري تاهو بائیک دغن جاهت ايت. سبب اف؟  
 \* جوافن: سوځکوه فون بواه کايو ايت موليق، تافي اد جوک  
فرکارا لائين هق جادي بهيا سوځکوه کا مائسي.

\*\*\*\*\*

## فرکارا هق جادي بهيا کا مائسي

\*\*\*\*\*

7. چوب فيکیر دولو! لفس ایت بوبوه تندا ☒ دکفلا  
ایات ۲ هق کنا دباوه این. کالو تائکنا، بوبوه تندا ☐ .

1. ☒ توهن لارغ مائسي ده کات: کالو مو ماکن بواه کایو  
درفد فوهون هق بري تاهو بائیک دغن جاهت ایت،  
تنتو مو نق ماتي. (کجادی 17:2، موک 35)

2. ☐ سسوغکوهن، کالو مائسي ماکن بواه کایو دفوهون هق  
بري تاهو بائیک دغن جاهت ایت، تائف.

3. ☒ بواه کایو دفوهون هق بري تاهو بائیک دغن جاهت  
ایت مولیق. معنائ، بوکن بواه کایو ایت هق جادي  
بهيا کا مائسي.

4. ☒ تافي توهن کات ده، کالو مائسي ماکن بواه کایو ایت،  
مائسي تائسلامت.

5. ☒ سلام مان مائسي تائماکن بواه کایو ایت، دي سلامت.

6. ☒ تافي، کالو مائسي تافرچاي کا هق توهن رویت، اتوا  
تأسیر دوق باوه فرینته توهن، دان سغاج ماکن بواه  
کایو ایت، تنتوله دي کنا ماتي.

7. ☐ اصلکن مائسي ایثت کات توهن کاسیه کا دي، مائسي  
بولیه ماکن بواه کایو دفوهون هق توهن لارغ ایت،  
دغن تاجادي بهيا مان ۲ کا دي.

\* چرف ده، کالو مائسي ماکن بواه کایو هق توهن لارغ ایت،  
مائسي کنا ماتي. تافي بوکن بواه کایو ایت هق بوات بري دي  
ماتي. فرکارا هق جادي بهيا کا مائسي، یائیت مائسي  
تافرچاي کا هق توهن رویت، تأسیر دوق باوه فرینته توهن،  
اتوا فون دوق دالم فرلیندوغن کاسیه دي.

## 8. مولیق فریقسا تان دیري کیت سندیري!

1. کیت فرچاي سوغکوه کا دق کا هق توهن رویت؟
2. کیت جوغ کا دق بري توهن مرینته اتس کیت؟
3. کیت هارف سوغکوه کا دق کا فرلیندوغن کاسیه هق توهن؟
4. کیت نمفق ده، کا دق لاکي؟ کالو کیت تائبوات سرورف  
تیک فرکارا داتس ایت، جادی بهیا سوغکوه کا دیري کیت.

\*\*\*\*\*

## فرکارا ۲۱ هق بولیه تاهو دفلاجران این

\*\*\*\*\*

9. چوب رویتله سندیري دولو اف هق بولیه تاهو ده  
دفلاجران این، باروله بندیغ دغن فرکارا ۲۱ هق رویت  
سچارا ریغکس دباوه این.

1. توؤ ادم دغن سیتی حوا دوق دکبون عدان دغن سنغ لیندغ.
2. دکبون عدان اد فوهون ۲ کایو هق مولیق ۲ ساج.
3. اد دوا فوهون کایو هق فیسید، یأیت فوهون هق بري  
بولیه هیدوف سعمور، دان فوهون هق بري تاهو بایک  
دغن جاهت.

4. توهنله هق یغ هیدوف بوات سلام ۲. دیاله توهن هق بري  
مائسی بولیه تریمه هیدوف هق سوغ دغن دنیا. سبب  
توهن کاسیه کا مائسی، دی اد چادغ نق بري مائسی بولیه  
تریمه هیدوف هق سوغ دغن شرک جوک. ساییت توله،  
توهن برکهندق نق بري مائسی ماکن بواه کایو دفوهون هق  
بري هیدوف سعمور ایت.

5. فرڪارا حق جادي بهيا ڪا مائٺسي، يائٺ مائٺسي تائفرچاي ڪا  
 حق توهن رويت، تائسير دوق باوه فرينته دي، تاهارف ڪا  
 فرليندوغن ڪاسيه دي.

10. ڪاچغ بري ايغت فرڪارا ۲۱ داتس سائٺي سهيغڪ لڪت دهاتي.

11. چوب رويتله اف حق توهن برڪرق هاتي ڪيت، سوروه  
 بوات، اتوا نق بري ايغت.